


II. Errepublikak 1931-1936

Iturri historikoak



CLARA CAMPOAMOR DIPUTATUAK GORTE KONSTITUZIOGILEETAN EMANDAKO HITZALDIA (1931-09-01)

Utz iezaiozue emakumeari den bezalakoa agertzen, hura ezagutu eta epaitzeko; errespetaezazue gizaki izateagatik duen eskubidea; (...) eta baldin eskubide konstituziogilea, herri zibilizatuen arau juridiko gisa, gero eta hurbilago badago askatasunaren kontzeptutik, ez iezaguzue arrazoitzat aipa izaki desberdinen arteko desberdintasunaren printzipio aristoteliko zaharkitua (...). Utz iezaiozue emakumeari Zuzenbidean aritzen, hasieran hanka-sartzeak eta zalantzak izanda ere, horrela bakarrik heziko baita hartan.

(...) Konstituzio honen garaia eta espiritua kontuan hartuta, asko poztu nau pentsatzeak mundu zibilizatuko orain arteko konstituziorik onena, libreena eta aurreratuena izangodela. Eta pentsatu dut, halaber, Errepublika ezarri eta hamabost egunera behin-behineko Gobernuaren dekretuak monarkiaren menpe egon garen aurreko hogeit hamar mendeek aitortu ez ziotena aitortuko diotela emakumeari. Uste dut hau izango dela emakumearen [sufragio] eskubidea onartuko duen lehen latindar herrialdea; lehen aldiz entzungo da latindar ganbera batean emakumearen ahotsa, emakumea bera bezain xumea, baina egiaren haizeak ekarri nahi dizkiguna; eta harro-harro sentitzen naiz, nire Espainia izango baita emakumearen askatasunaren bandera jasoko duen herrialdea (...). Eta honela diotsuet, legegile jaunak: (...) ez ezazue onar beste latindar nazio batek, datozen egunetan, guk baino lehenago ezartzea bere Konstituzioaren buruan emakumearen askatasuna, zuen kidearen askatasuna.

Diario de Sesiones de las Cortes Constituyentes de la República Española; 1931ko irailaren 1eko saioa.

1. galdera: Azaldu testuak islatzen duen testuinguru politiko eta historikoa. Kokatu noiz, non eta zergatik eman zen, eta Clara Campoamorren rola azaldu emakumeen boto-eskubidearen eztabaidan.
2. galdera: Azaldu testuak zergatik duen garrantzi historikoa emakumeen eskubideen historian. Zer balio du bere edukia eta hizkuntza gaur egunetik begiratuta? Zer eragin izan zuen emakumeek botoa emateko eskubidea onartzeak Espainiar Errepublikan?

Fronte Popularraren programa (1936-01-16)

Alderdiak (...) berehala izango den hauteskunde-lehian euren indarren koalizioari oinarri eta kartel gisa balioko dien plan politiko komuna adostera iritsi dira. (...) Koalizioan elkartutako alderdiek honako konpromiso hauek hartu dituzte:

Lege baten bitartez, 1933ko azaroaz geroztik egindako delitu politiko eta sozialen amnistia zabala ematea, auzitegiek halakotzat jo ez bazituzten ere (...).

Askatasunaren eta justiziaren defentsan, Estatu errepublikanoaren eta haren erregimen konstituziogilearen funtsezko misio gisa, koalizioan elkartutako alderdiek Konstituzioaren agintea berrezarriko dute. (...)

Errepublikazaleek ez dute onartzen lurra nazionalizatu eta nekazariei emateko printzipioa, alderdi sozialistako ordezkariak eskatua. Baina bestalde, begi onez ikusten dituzte nekazariak askatzeko ezarri daitezkeen zenbait neurri (...).

Alderdi errerepublikazaleek ez dituzte onartzen langile-alderdiek bankuak nazionalizatzeko proposatutako neurriak; baina, bestalde, onartzen dute gure banku-sistemak hainbat hobekuntza behar dituela (...).

Alderdi errerepublikazaleek ulertzen duten Errepublika ez da klase-arrazoi sozial edo ekonomikoek zuzendutako errepublika bat, interes publiko eta aurrerapen sozialeko arrazoiek bultzatutako askatasun demokratikoko erregimen bat baizik. Baina, arrazoi ausart horrexegatik, politika errerepublikazaleak produkzioaren interes orokorrak uzten duen muga goreneraino igo behar lituzke langileen baldintza moralak eta materialak, muga horretatik kanpo pribilegio sozial eta ekonomiko guztiei ezarri beharreko sakrifizioak direnak izanda ere. Alderdi errerepublikazaleek ez dute onartzen alderdi sozialistaren ordezkariak eskatutako langile-kontrola.

El Socialista (Madril), 1936ko urtarrilaren 16a.

1. galdera: Kokatu testua testuinguru historikoan. Noiz eta zer egoeratan idatzi zen? Zer helbururekin sortu zuten Fronte Popularreko alderdiek programa hau, eta zer indar politiko biltzen zituen koalizio horrek?

2. galdera: Zer gizarte- eta ekonomia-neurri planteatzen dira testuan? Azaldu zein diren ezkerreko eta errerepublikazaleen arteko adostasunak eta desadostasunak, eta baloratu programaren garrantzia Errepublikaren garapen historikoan eta Gerra Zibilaren testuinguruan.

1. galdera:

Kokatu Niceto Alcalá-Zamora II.

Errepublikako testuinguru politikoan. Zer rol bete zuen 1931-1936 artean eta zer etapa politiko ordezkatzeko du haren figurak? Zer esan nahi zuen Errepublikako presidente izatea garai hartan?

Azpimarratu: 1931ko konstituzioaren testuingurua, presidente karguaren izaera, Azañarekin eta beste figura batzuekin dituen aldeak, 1936ko hauteskundeak eta haren kargugabetzea.

2. galdera:

Azaldu zer mezua politiko eta sinbolikoa transmititzen duen erretratu honek. Zer nolako irudi instituzionala islatzen da? Zer balio politiko edo kultural adierazi nahi zituen II. Errepublikak halako irudien bidez?



Niceto Alcalá-Zamora, Espainiako Errepublikako presidentea, Norteko Tren Geltokitik ateratzen. 1932. Pascual Marin (Autorea)

1. galdera:

Azaldu Manuel Azañaren rola II. Errepublikaren hasieran. Zer erreforma garrantzitsu bultzatu zituen gobernuburu zela (1931-1933), eta zein izan zen bere ildo politikoa?

2. galdera:

Zer zailtasun eta oposizio aurkitu zituen Azañak bere gobernuan? Azaldu zein izan zen gobernuaren krisiaren jatorria eta 1933ko hauteskundeetan ezkerreko errepublikanoek jasandako porrotaren arrazoi nagusiak.



Manuel Azaña, 1932

1. galdera:

Azaldu noiz eta zergatik onartu zen emakumeen sufragioa Espainiako II. Errepublikan. Zein izan zen prozesuaren testuingurua eta nork defendatu zuen Gorteetan eskubide hori?

2. galdera:

Zer garrantzi politiko izan zuen 1933ko hauteskundeetan emakumeek botoa lehen aldiz erabiltzeak? Zer nolako kontrako iritzi egon ziren, zergatik eta noiz desagertuko da berriz ere eta zergatik boto eskubide hau?




Madril, Hauteskunde orokorrak
1933ko azaroko 19an

1. galdera:

Azaldu liburuxka honen
testuingurua, noiz, nola, zergatik
sortzen den.

2. galdera:

Zer nolako garrantzia izan zuen
testu honek? Zeintzuk izango dira
bere ezaugarri nagusiak?



1. galdera:

Azaldu argazkiaren testuinguru historiko politikoa. Zein garaitan eta zein egoeratan gertatzen da, nor da irudian agertzen den pertsona eta zein partidutakoa da. Zein nazioarteko eragin izan zituen.

2. galdera:

Zer garrantzi politikoa izan zuen partidu politiko honek, zeintzuk izango dira bere diskurtsoaren ondorio nagusiak.



Eskuin erradikalaren mitina.
1935ko maiatzaren 19an

1. galdera:

Zein da bertan ikusten den
gertakizunaren testuingurua?
Zein garaitan gaude, zein
etapatan, zeintzuk dira
protagonista nagusiak, zergatik
gertatzen da?

2. galdera:

Gertakizun hauen ondorio
nagusiak zeintzuk izan ziren,
zertarako erabiliko da
etorkizunean gertakizun hau
politikoki?



Gijón 1934,
Afrikako tropak

1. galdera:

Gertakizun honen testuingurua azaldu, zein den garaia eta etapa. Azaldu zer den gertatzen dena.

2. galdera:

Zergatik izan zen garrantzitsua gertakizu hau, zeintzuk izan ziren ondorio zuzenak?



Casas Viejas, 1933ko abenduan

1. galdera:

Irudietako testuinguru historiko politikoa azaldu.

2. galdera:

Azaldu zer gertatu zen bertan ikusten ditugun irudietan eta zer nolako eragina izango du berehala.



MADRID DIA 15 DE
JULIO DE 1936
NUMERO SUELTO
15 CENTS. 15 15 15
DIARIO ILUSTRADO. AÑO TRIGESIMOSEGUNDO.
N.º 10.340 15 15 15
SUBSCRIPCION: MADRID, UN MES, 250 PESETAS. PROVINCIAL: TRES MESES, 15 AMERICAS Y PORTUGAL: TRES MESES, 1250.
EXTRANJERO: TRES MESES, 30 PES. CAS. REDACCION Y ADMINISTRACION: SERRANO, 61, MADRID. APARTADO N.º 42

†
EL EXCELENTISIMO SEÑOR
DON JOSE CALVO SOTELO
Ex ministro de Hacienda, Diputado a Cortes
Murió asesinado en la madrugada del 13 de julio de 1936
R. I. P.
Su familia, las fuerzas nacionales
que representaba, sus amigos y co-
rreligionarios,
RUEGAN una oración por el
eterno descanso de su
alma.

Madril, 1936ko uztailaren 13a